

唐伯虎先生外編

唐伯虎先生外編卷之四

吳郡何大成君立甫輯

○一集伯虎志傳

唐子畏墓志銘

子畏歿余爲歌詩往哭之慟將葬其弟子重請爲銘
子畏余肺腑友微子重且銘之子畏性絕穎利度越
於士世所謂穎者數歲能爲科舉文字童髫中科第
一日四海驚稱之子畏不然幼讀書不識門外街陌
其中屹屹有一日千里氣不或友一人余訪之再亦

不答一旦以二章投余桀特之志錚然余亦報以詩
勸其少加弘舒言萬物轉高轉細未聞華峰可建都
聚惟天極峻且無外故爲萬物宗子畏始肯可久乃
大契然一意望古豪傑殊不屑事場屋其父廣德賈
業而士行將用子畏起家致舉業師教子畏子畏不
得違父旨德廣嘗語人此兒必成名殆難成家乎父
沒子畏猶落落一日余謂曰子欲成先志當且事時
業若必從已願便可褫襴幘燒科策今徒藉名泮廬
目不接其冊子則取舍奈何子畏曰諾明年當大比

吾試捐一年力爲之若弗集一擲之耳卽墮戶絕交
往亦不覓時輩講習取前所治毛氏詩與所謂四書
者繙討擬議祇求合時義戊午試應天府錄爲第一
人已未往會試時傍郡有富子亦已舉於鄉師慕子
畏載與俱北旣入試二場後有仇富子者抨於

朝言與主司有私并連子畏

詔馳勅禮闈令此主司不得閱卷亟捕富子及子畏
付獄

詔逮主司出同訊于

廷富子旣承子畏不復辯與同罰黜祿于浙藩歸而
不往或勸少貶異時亦不失一命子畏大咲竟不行
放浪形迹翩翩遠遊扁舟獨邁祝融匡廬天台武夷
觀海於東南浮洞庭彭蠡覽歸將復踏四方得疾久
少瘡稍治舊緒其學務窮研造化玄蘊象數尋究律
歷求揚馬玄虛邵氏聲音之理而贊訂之傍及風鳥
五遁太乙出入天人之間將爲一家學未及成章而
歿其於應世文字詩歌不甚措意謂後世知不在是
見我一班已矣奇趣時發或寄于畫下筆輒追唐宋

名匠旣復爲人請乞煩襍不休遂亦不及精諦且已
四方慕之無貴賤富貧日請門徵索文辭詩畫子畏
隨應之而不必盡所至大率興寄遐邇不以一時毀
譽重輕爲趣舍子畏臨事果事歿全大節卽少不合
不問故知者誠愛寶之若異玉珍貝王文恪公最慎
予可知之最深重不知者亦莫不歆其才望而媚疾
者先後有之子畏糞土財貨或飲其惠諱且矯樂其
留更下之石亦其得禍之由也桂伐漆割害雋戕特
塵土物態亦何傷于子畏余傷于畏不以是氣化英

靈大略數百歲一發鍾於人子畏得之一旦已矣此其痛宜如何置有過人之傑人不歆而更毀存高世之才世不用而更擯此其冤宜如何已子畏爲文或麗或澹或精或汎無常態不肯爲鍛鍊功奇思常歟而不盡用其詩初喜穠麗旣又放白氏務達情性而語終璀璨佳者歟與古合嘗乞夢仙游九鯉神夢惠之墨一擔蓋終以文業傳焉唐氏世吳人居吳趨里子畏母丘氏以成化六年二月初四日生子畏歲舍庚寅名之曰寅初字伯虎更子畏卒嘉靖癸未十二

月二日得年五十四配徐繼沈生一女許王氏國士
履吉之子墓在橫塘王家村子畏懼禍後歸好佛氏
自號六如取四句偈旨治圃舍北桃花塢日般飲其
中客來便共飲去不問醉便頽寢子重名由亦佳士
稱難弟兄也銘曰

穆天門兮夕開絲吾乘兮歸來睇桃夭兮故土回風
衝兮蘭玉摧不堯率兮猶襄徊星辰下上兮雲雨濯
倚桐輪囷兮稼無滯穠孔翠錯璨兮金芝歲蕤碧丹
淵涵兮人間望思

前應天府通判友生長洲祝允明撰 同邑王寵書

唐寅字伯虎雅資踈朗任逸不羈喜翫古書多所博
通不爲章句屬文務精思氣崑崙陷厲嘗負凌軼之志
庶幾賢豪之蹤俛仰顧眄莫能觸懷家貲微羨而靡
習優汰不能自裁日以單瘠跼然處困啗杯對友引
鏡自窺輒悲以華盛時榮名不立俟河之清人壽幾
何恐世卒莫知沒齒無聞悵然有抑鬱之心乃作昭
恤賦以自見又嘗自論曰嗟乎唐生何志之肆而材
之縮邪若使剖質相明亦足以彰偉觀流薄曜也素

於意氣怪世交鄙甚要盟同比歿生相護毋遺舊
恩故長者多介其誼槩云

系曰有鳥驕斯高飛提提飲擇清流棲羞卑枝俶蕩
激揚操比俠士超騰踔詭又類君子長鳴遠慕願命
儔侶猥叙苦辛仍要素辭與子同心願各不移恒共
努力比翼天衢風雨凌敝永勿散飛天地閉合乃絕

知

見徐禎卿新倩籍

唐寅字伯虎一字子畏吳縣吳趨里人有俊才博習
多識善屬文駢驅尤絕歌詩婉麗學劉禹錫爲人放

恨不羈志甚奇沾沾自喜衡山文林自太僕出知溫
州意殊不得寅作書勸之文甚奇偉林出其書示刺
史新蔡曹鳳鳳奇之曰此龍門燃尾之魚不久將化
去寅從御史攷下第鳳立薦之得隸名末果中式第
一先是洗馬梁儲校寅卷歎曰士固有若是奇者耶
解元在是矣儲事畢歸嘗從程詹事敏政飲敏政方
奉詔典會試儲執卮請曰僕在南都得可與來者唐
寅爲最且其人高才此不足以異其長惟君卿獎異
之敏政曰吾固聞之寅江南奇士也儲更詣請寅三

事曰必得其文觀儲令寅具草上三事皆敏捷曾儲
奉使南行寅感激持帛一端詣敏政乞文餞後被逮
竟因此論之寅罷歸朝臣多嘆惜者歸無幾緣故去
其妻寅初爲諸生嘗作俵俵詩其詞曰俵俵莫恠少
時年百丈游絲易惹牽何歲逢春不惆悵何處逢情
不可憐杜曲梨花杯上雪灞陵芳草夢中煙前程兩
袖黃金淚公案三生白骨禪老後思量應不悔衲衣
持鉢院門前久與其事公蓋詩識也後作多怨音其
目詠曰擁鼻行吟水上樓不堪重數少年游四更中

酒半牀病三月傷春滿鏡愁白面書生期馬革黃金
說客剩貂裘近來檢校行藏處飛葉僧家細雨舟每
謂所親曰枯木朽株樹功名於時者遭也吾不能自
恃使所建立置之可憐是無枯朽之遭而傳世之休
烏有矣譬諸梧枝旅霜苟延奚爲後復感激曰大丈夫
雖不成名要當慷慨何廼效楚囚因圖其石曰江
南第一風流才子

論曰伯虎以不能謹行終身歷落欲施於世者可以
觀矣其所逮事不可知就其家論之不裕縱使果然

世之爲市科目者多而彼獨白著豈非命與且如伯虎之才授之底石何愧惟其不克令終豪士亦解骨也

見閩秀卿吳郡二科志

唐六如先生寅字子畏一字伯虎吳縣之吳趨里人以諸生舉鄉試第一當赴會試而有所同載者以賄主司得題事株累罷爲吏謝弗就先生材高少嗜聲色旣坐廢見以爲不復收益放浪名教外嘗一赴寧王宸濠聘度有反形廼陽爲清狂不慧以免卒年五十四先生之始爲詩奇麗自喜晚節稍放格諧俚俗

冀托於風人之指其合者猶能令人解頤盡品高甚
在五代北宋間今像頤質而野顧猶襲太學衣裾若
重戴者可悲也

貧曰奪汝薦冒以椽汝何忍讒面覷撲其外文其中

悲惜哉以樂窮以窮工藝乃終

見弇州山人續稿

解元唐君子畏吳縣人幼小聰明絕殊凡作選詩肖

古人之風雅然性則曠遠不羈補府學生與張夢晉
爲友赤立泮池中以手激水相鬪謂之水戰不可以
辭狂趙邪比也後玉峰翁中殿元立竿有亦帶飄飄

之影往來于君屋角短檠光照君遂攬衣通宵劬書
不判年學成至弘治戊午鄉試首薦會試遇汪陰富
人徐姓者有賣題之毀君與徐則舊交也徐以三四
書題丐君代作而君不知其文衡泄之被給事中華
景因劾程篁墩先生事連逮下獄落其桂籍然篁墩
道學之士決無以私滅公之弊而家人之竊窺以售
得其金未可保也後歸林下每見重于人且善畫逼
宋人筆勢可當石田一面每陪邑令宴叙則朗誦長
歌以諷之云朝裏有官做不了世上有錢要不了其

貪黷者內赧焉

見黃魯曾吳中故實記

唐寅字伯虎又字子畏吳人也舉鄉薦第一坐事除名

評曰寅實異才中道齟齬既伏吏議任誕以終詩少法初唐如鄧杜春遊金錢鋪埒公子調馬胡兒射雕暮年脫略傲睨務諧俚俗西子蒙垢土南珠襲魚目狐白絳犬皮何足登牀據几爲珍重之觀哉

見鳳洲筆記

桑民懌高自稱許今觀其集體格卑弱之甚可謂大言無當吳中徐昌穀同時祝希哲唐伯虎沈啟南王

履吉才皆高出一代而皆以書畫掩之亦以偏工書
畫不能致力耳履吉諸作特高朗非三君比使稍加
以年可亞昌穀嘉隆間周公瑕近體殊精詣亦書掩
之

見詩數

我觀古昔之英雄慷慨然諾杯酒中義重生輕死知
已所以與人成大功我觀今日之才彥交不以心惟
以面面前斟酒酒未寒面未變時心已變區區已作
老村庄英雄才彥不敢當但恨今人不如古高歌伐
木天滄浪感君呼我爲奇士又言天下無相似庸庸

碌碌我何爲有酒與君斟酌之此唐子畏席上酬王履吉詩也李青蓮云不同珠履三千客別欲論交一片心一片有心人卽在三千客中耳子畏此詩定是徐經事敗後作人言子畏跳浪不自重然觀其宸濠所嘔穢席上竟以身免輕猥人有此作用否今日偶讀前詩不覺泣下士抱不世之才偶遭負俗之累委身草澤與賣菜傭編戶而處而烏巾措大猶指之爲猥爲佻也不亦悲夫

見張元長筆談

唐寅字伯虎吳人領鄉薦第一坐事就吏伯虎才高

自宋李營上亦寬李唐馬夏以至勝國吳興王黃數
大家靡不研解行筆極秀潤縝密而有韻度

見欣賞續編繪

妙部

明唐伯虎報文徵明王稚欽答余懋昭二書差堪叔
季伯虎他作俱不稱稚欽于文割裂比擬亡當者獨

尺牘差工耳

見弇州藝苑卮言

唐伯虎如乞兒唱蓮花落其少時亦復玉樓金埒

見弇

州藝苑卮言

唐寅字子畏一字伯虎蘇州人舉應天鄉試第一坐

事廢垣夷踈曠冥契禪理弱居庠序漫負狂名著廣
志賦暨連珠數十首跌宕融暢傾動群類青谿倪公
見之亟稱才子以故翰苑先輩爭相引援驕妬互會
竟媒禍胎棄落之餘益任放誕邪思過念絕而不萌
託興歌謠殉情體物務諧里耳罔避俳文雖作者不
尚其辭君子可以觀其度矣今司馬袁泰所刻僅僅
數篇則其絕詣也

贊曰嗟嗟伯虎孰廣爾志登臺則流牖下斯滯生滅
旣一寵辱奚驚上善若水是生令名

見顏延之國寶新編

解元唐寅子畏晚年作詩專用俚語而意愈新嘗有
詩云不煉金丹不坐禪不爲商賈不耕田起來就寫
青山賣不使人間造業錢君子可以知其養矣

見顧元慶

夾白齋詩話

唐寅字伯虎更字子畏吳郡吳趨里人才雄氣逸花
吐雲飛先輩名碩折節相下庶幾青蓮之駕無忝金
龜之席矣中南京解元坐事廢逃禪學佛任達自放
畫法沉鬱風骨奇峭刊落庸瑣務求濃厚連江疊嶂
纒纒不窮信士流之雅作繪事之妙詣也評者謂其

畫遠攻李唐足任偏師近交沈周可當半席

見王穉登丹青

志

張靈字夢晉家與唐寅爲鄰兩人氣志雅合茂才相
敵又俱善畫以故契深椒蘭靈畫人物冠服玄古形
色清真無卑庸之氣山水間作雖不由閒習而筆生
墨勁斬然絕塵多可尚者靈性落魄簡絕禮文得錢
沽酒不問生業嗶嗶然有古狂士之風爲郡諸生竟
以狂廢同時有朱生周官並攻毫素官畫人物無俗
韻然過于纖弱稍不逮靈朱生樹石不減唐寅今官

名猶在人間而朱遂寥寥足可弔憫

見王穉登丹青志

伯虎嘗夢有人惠墨一囊龍劑千金由是詞翰繪素
擅名一時因搆夢墨亭晚年寡出常坐臨街一小樓
惟乞畫者攜酒造之則酣暢竟日雖任適誕放而一
毫無所苟

見曹寅伯校本

吳人有唐子畏者才子也以文名亦不專以文名余
爲吳令雖不同時是亦當寫治生帖子者矣余昔未
治其人而今治其文大都子畏詩文不足以盡子畏
而可以見子畏故余之評騭亦不爲子畏掩其短政

以子畏不專以詩文重也子畏有知其不以我爲俗吏乎

公安袁宏道中郎題

子畏之文以六朝爲宗故不甚慊作者之意

中郎評

子畏之詩有佳句亦有累句妙在不沾沾以此爲事遂加人數等

公安袁宏道中郎評

子畏小辭直入畫境人謂子畏詩詞中有幾十軸也

特少徐吳輩鑒賞之耳

公安袁宏道中郎評

古之異人不可勝數予所知當世如桑民懌唐伯虎盧次樞與山陰之徐文長其著者也唐盧俱有奇禍

而文長尤烈

見黃汝亨徐文長集序

先生諱寅因字伯虎因虎而復字子畏幾于戲矣別號六如蓋取金剛偈中語也余從諸博古家搜討先生遺蹟見其所行圖書如百年障眼書千卷四海資身筆一枝如天上閑星地下僊如秋榜才名標第一春風絃管醉千塲蓋取詩中得意語也如江南第一風流才子如普救寺婚姻案主者真是眼空一世

見

風流逸響

我朝名家可宋可元者亦不乏人高品如文衡山沈

石田陳白陽唐伯虎文汶水王仲山錢叔寶文伯仁
顧亭林孫雪居沈青門風神儁逸落筆脫塵或隸或
行各有天趣

見高濂遵生八牋

唐伯虎先生外編卷之五

吳郡何大成君立甫輯

○一錄名公贈荅

唐生將卜築桃花之塢謀家無貲貽書見讓

寄此解嘲

徐禎卿

予管攀白日虹蜺千紫庭浮沈帝座側無人知歲星
側侍公車無所歡聊騎天馬出長安南下蒼江浮七
澤還攜謝客弄波瀾青倪中開秀廬嶽瀑布灑入千
峯寒冥冥仙氣貫南斗直欲凌身燒大丹迴裾西拂

巫山浦浩蕩歡心閒雲雨歸來欲奏楚王書漢主上
林方好壺黃金不遇心自吁白壁無媒翻見侮昨日
結交燕少年酣歌擊筑市中眠正逢天子失顏色
奪俸經時無酒錢入門百結鸛鸛盡笑立文君明鏡
并卻思舊日高陽侶黃公酒壚何處邊天下綈袍誰
不憐郢卿未具山中橐何人爲買剡谿田唐伯虎真
俠客十季與爾青雲交傾心置腹無所惜擊我劍拂
君纓請歌鸛鸛篇爲奏朱絲胡爲擾擾蒼蠅之惡
聲我今蹭蹬尚如此嗟爾悠悠世上名

觀唐生寄贈子容洞庭山圖因求作廬山障

子

徐禎卿

丹巖氤氲拂空起素練平鋪洞庭水迴谿笑指毛公
家忘卻滄溟幾千里我隔廬峯癡紫烟嘗騎白鹿上
青天煩君貌出仙人嶂西寄長安向日邊

虎丘閒泛與伯虎同賦

楊循吉

名巖佳麗冠吳州永日逍遙榜綵舟茵蔯含嬌呈水
面薦蘿垂蔭覆人頭宋谷玄蟬藏影嘒長阿蒼猊頷
羣游翠幌金尊何限樂欣逢絕咏覩難酬

子畏爲僧題墨牡丹

文徵明

居士高情點筆中依然水墨見春風
前身應是無塵染一咲能令色相空

贈唐伯虎

王寵

舉世皆羅網憐君獨羽毛百年渾醉舞
萬象總風騷長袖矯紅燭飛花灑白袍
英雄未可料腰下呂虔刀

九日過唐伯虎飲贈歌

王寵

唐君磊落天下無高才自與常人殊
騰驤萬里真龍駒黃金如山不敢沽
秋風日落嘶長途我亦垂耆下

帝都終軍鎔棄咸陽繻鯨鯢失水鱗甲枯仰天擊劍
歌烏烏男兒落魄魄日月徂相與把臂揮金壺滿堂賓
客照珊瑚江東落落偉丈夫千季稽阮不可呼後來
豪飲非吾徒氣酣爭博呌梟盧四座飛觴傾五湖人
生長若今日娛何用錢刀衣紫朱坐茵未暖行已晡
得不取樂窮須臾君不見少陵不保千金軀醉後子
細看茱萸

與唐寅書

祝允明

吾昔窺是業甚蚤及其漸深時乃更以自淺袖手瞪

視者甚久不敢姑一跳躍以得躡蹠故且循涯而涉
至於今雖畧獲其躡武然故乏踣鐵之蹄料其後恐
終不入伯樂氏目極自惋也然不能無望於中每覽
執事詩筆必興觸此意或相面則輟爲家市薪米之
語所先氣已衰暗此意竟不得大發而長鳴之

又

祝允明

歲暮科程期迫猝猝將各南北又坐病不出百朝分
矣奈何哉奈何哉夫善劍者必用劍今名劍具在
吾將以善劍名必深其法而後用術未諳或中路

而止然且漫用之則必有解指落腕之悔凡今只自
恕而不進者其畏在此厲哉足下大詣勿止無敗指
腕爲勞拙者笑僕尚有諭術一二語忙不及告矣或
在後書

別唐寅

祝允明

長河堅冰至北風吹衣涼戶庭不可出送子上河梁
握手三數語禮不及壺觴并轅有征夫同行意異鄉
人生豈有定日月亦代明毛裘忽中卷先風欲飛翔
南北各轉首登途勿徊徨

夢唐寅徐禎卿

亦有張靈

祝允明

唐生白蚯蚓荆砥夙磨磷江河鯤不徙魯野遂戕麟

徐子十

缺一字

周遠討務精純遑遑訪魏漢北學中離

群伊余守初質溫故以知新誰出不由戶貌別情還

均濁世二三子厭棄猶爲人相逢靡幽明隔域豈不

親茲塗無爾我相泯等一真昔亦念張孺猶能逐冥

塵

輓唐子畏

二首

祝允明

天道難公也不私茫茫聚散底須知水衡於此都無

準月鑑由來最易虧不泯人間聊墨草化生何處產
靈芝知君含咲歸堯率祇爲斯文世事悲

萬妄安能滅一真六如今日已無身周山旣不容神
鳳魯野何須哭成麟顏氏道存非謂天子雲玄在豈
稱貧高才贖買紅塵妬身後猶聞樂禍人

又

祝允明

少日同懷天下音中來出世也曾期朱絲竹絕桐薪
韻黃土生理玉樹枝生老病餘吾尚在去來今際子
先知當時欲印搥機事可解中宵入夢思

唐詩集卷之三
答唐子畏夢余見寄之作

文徵明

故人別後千回夢
想見詩中語
咲諱自是多情能記
憶春來何止到君家

月夜登南樓有懷唐子畏

文徵明

曲欄風露夜醒然
彩月西流萬樹煙
人語漸微孤笛起
玉郎何處擁嬋娟

簡子畏

文徵明

落鳧迂踈不事家
郎君性氣屬豪華
高樓大叫秋觴月
深幄微酣夜擁花
坐令端人疑阮籍
未宜文士目

劉父只應郡郭聲名在門外時停長者車

飲子畏小樓

文徵明

今日解馳逐投閒傍高廬君家在臯橋誼闢井市區
何以掩市聲充樓古今書左陳四五冊右傾三兩壺
我飲良有限伴子聊相娛與子故深密奔忙坐濶踈
旬月一會面意勤情有餘蒼烟薄城甬振袖復躊躇
夜坐聞雨有懷子畏次韻奉簡

庚申

文徵明

臯橋南畔唐居士一榻秋風擁病眠用世已銷橫槊

卷之三
氣謀身未辦買山錢鏡中顧影鸞空舞檻下長鳴驥
自憐正是憶君無奈冷蕭然寒雨落牕前

次韻題子畏所畫黃茆小景 文徵明

斜日翻波山倒浸晚晴幻出西南勝絕島雙螺樹色
浮遙天一線鷗飛剩誰剪吳淞尺紙間唐君胸有洞
庭山古藤危蹬黃茆渚細艸荒官消夏灣我生無緣
空夢墮三十年來蟻旋磨睡起牕前展畫看恍然垂
手磯頭坐湖山宜雨亦宜晴春色籠葱秋月明知君
作畫不是畫分明詩境但無聲古稱詩畫無彼此以

口傳心還應指從君欲下一轉語何人會吸西江水

題唐六如畫紅拂妓

二首

文徵明

把拂臨軒一咲通宵奔曾不異乘中却憐擾擾風塵際能識英姿李衛公

六如居士春風筆寫得娥眉妙有神展卷不禁雙淚落斷腸元不爲佳人

唐丈伯虎桃花庵作

王寵

海內幾詞伯當筵逢酒儔揭來桃花塢披艸成獻酬
夫子嵇阮輩簞弄天地浮閉關嚼泥滓袒裼參王侯

或時舞長袖迴拂隘九州神龍不自惜勺水甘垂頭
蒼蠅顧營營一日千里遊蕭疎竹林聚窅窅柴門求
形骸兀土木辨難森戈矛貫穿窮百氏驅馳蹙千秋
氣酣劃感激雪涕懷伊周老鶴志霄漢雄劍奔兜鍪
惜哉功名會嵒岨日月道痛飲師古人談玄恣冥搜
是時大火中偃息宜林丘松蘿在高戶齒齒披長流
沈冥我輩事河朔同悠悠

題唐六如畫

文徵明

久羨鹿門隱幽棲語水灣琴張新竹下書讀好花間

庭草傍人綠窓禽伴我閒山居無一事雙戶日長關

爲唐子畏索劍

祝允明

昔年承唐子惠愛曾以雙劍贈荅其意別來恒念之其一鏤青萍二文者尤憶間以一章問之或言假抑更惠乎

手解青萍昔贈君伏來多少截妖氛知君道就

缺二字

後把與東人割白雲

唐寅畫山水歌

祝允明

杜陵一疋好東絹韋郎上植松兩榦唐寅今如曹不興有客乞染淞江綾山前如笑後如怒疎林如風密

如霧黯黯渾疑隔千里
蜿蜿忽辨綠溪路黑雲
沍蒼梧丹霞標出城壯
哉畫工力九州通尺屏
兩厓遠立翬兩角一道
空江浸寥廓吳綾本自
淞水翦誰把滌澠辨清
濁茅齋傍江絕低小羨
爾高居長自好今年吳
地幾魚鼈看盡轉覺心
熱惱黃金壺中一斗汁
我欲濡豪暎手濕莫教
童子誤攘翻忽使癡龍
携雨出

與唐寅

祝允明

足下之澤我厚矣夙昔
見足下才峻志遐力量
又捷意鈍敝者後必爲
所遺每討論頃輒不盡
所詞意足

下之越吾也至其後足下之峻者益峻遐益遐捷益捷僕之所深畏而終不遷者計特足下一人耳然幸到於今不遺吾嘗謂今之學者與昔大異要異時所就亦當大異夫謂千里馬者必其朝吳暮楚果見其跡耳非謂表露骨相令識者苟以千里目而終未嘗一長驅駭觀於千里之人令慕服譽讚不容爲異詞也吾昔窺是業甚蚤及其漸深時乃更以自淺袖手瞪視者甚久不敢姑一跳躍以得蹟踰焉故且循涯而涉至於今雖畧獲其躅武然故乏踣鐵之蹄料其

後恐終不入伯樂氏目極自惋也然不能忘望於中
每覽足下詩筆必興觸此意或相面則輒爲家市薪
米之語所先氣已衰暗此意竟不得大發而長鳴之
嗚呼人相出在一城郡其事業同志思又畧近乃不
相有增長如是夫歲暮科程期迫猝猝將各南北又
坐病不出百朝分矣柰何哉柰何哉夫善劍者必用
名劍今名劍具在吾將以善劍名必深其法而後用
苟術未詣或中路而止然且漫用之則必有解指落
腕之悔凡今之自恕而不進者其畏在此厲哉足下

天誥勿止毋敗指腕爲勞拙者咲僕尚有論術一二
語忙不及告矣或在後書

祝書二條見尺牘清裁已錄如右庚戌長夏
偶閱祝氏集畧得先生所遺伯虎全書因備
錄之以著兩公一時同志之雅云慈公識

贈唐居士

徐禎鄉

閒居嗒嗒醉鳴鳴轉覺微情與世疎貧剩矍瑜猶讓
鹿伯虎時
畜一鹿病拋魚肉久甘蔬一龕碧火蒲團夜十畝

黃柑酒甌車茲事若成須報我菟裘隨地着吾廬

簡伯虎

徐禎鄉

麻紙功名笑浪傳如今袖手了塵緣交朋零落看書
牋花月蕭條問酒錢數里青山騎犢醉一牀黃葉擁
秋眠心期兀兀成幽病誰與高人辦草屨

懷伯虎

徐禎卿

寒牕燈火張生夢京路風霜季子金兩地相思各明
月關山書尺幾銷沉

和唐寅白髮

文林

氣羸髮先改五十頭盡雪豈無年差長美鬢鬢如涅
顏顏詎足嘆樹立恐中折服苦死所甘僥枉生亦竊

葉脫根株固貞元難遽絕天地闕殺機與奪難窮詰
鏗壽今亦亡回死有餘烈數命人人殊疾徐付甘節
大冶範我形堅脆任生滅

戊午春將赴温州楊君謙禮部邀餞于虎丘
同集者沈啓南韓克贊二老複巾杖藜韓從
子壽椿與朱性甫青袍方巾唐子畏徐昌國
並舉子巾服而余與君謙獨紗帽相對會凡
八人人各爲侶適四類不雜 文 林

鳥歌當離筵東風逗微雨會合飲中僊兩兩各相侶

二老行紆徐二妙足高舉儒袍聯魯生烏紗對賓主
酒半散林壑尋詩鏤肝腑詞鋒挽落暉酣戰走旁午
冥搜隘八極光焰互吞吐珠璣落吾手拾襲誰敢侮
悠悠大塊內何物不叅伍嗟余獨行邁棄斥無所與

送唐子畏之九僊祈夢

王 鏊

人生出處天難問聞有靈山試扣之三月裹糧真不
易一生如夢復何疑天台鴈蕩歸時路秋月春風別
後思我亦有疑煩致問蒼生帖息定何時

過子畏別業

王 鏊

十月心齋戒未開偷閒先訪戴逵來清溪詰曲頻迴
棹矮屋虛明淺送栢生計城東三畝菜吟懷墻角一
株梅棟梁榱桷俱收盡此地何緣有佚材

唐子畏臨李成羣峰霽雪圖 王 鏊

吾聞西域之西雪山高六月積雪猶不消今之畫圖
無乃是是何山勢洶湧如波濤大山崔巍小山聳萬
壑千巖光欲動營丘化去五百年遺踪一見人皆竦
六如胸次蟠輪囷戲梭碎玉散作千嶙峋一重一掩
分向背營丘侶是君前身隆樓傑閣爭相向美人正

醉銷金帳豈知洛陽城中僵卧者門外無人雪一丈

次唐子畏韻自道鄙懷

錢仁夫

上疏乞恩歸故鄉脫身名利是非場兩湖風月久相待
三徑菊松全未荒釣水采山聊自給吟詩作字爲
人忙近來也有些兒懶睡足日高纔下牀

和唐解元詠破衣

錢仁夫

領袖雖全半沒襴斬新做件也無難縫紉細了反成
好綻裂多些轉覺寬冒雨披風那便壞捉衿露肘任
教寒自家修緝自家用不換羊裘伴釣竿

題伯虎美人圖

文徵明

秋月流光照粉容
尖尖玉手露春蔥
穿針乞得天孫巧
刺繡須當奪化工

和唐子畏東城夜游

陳淳

野寺鐘聲後
溪橋細雨時
水風吹綠髻
山月印寒池
已擊關人柝
初收酒市旗
一尊何處覓
燈下寫相知

唐伯虎畫崔氏且題次其韻 徐渭

彷彿相逢待月身
不知今夕是何辰
行雲總作當年散
胡粉空傳半面春
嫁後形容難不老
畫中臨揭也

應陳虎頭亦是登徒子特取妖嬌動世人

唐伯虎古松水壁閣中人待客過畫

徐渭

南京解元唐伯虎小塗大抹俱高古壁松水閣坐何
人若論游魚應着我

書唐伯虎所畫美人

徐渭

吳人慣是畫吳娥輕薄不勝羅偏臨此種粉肥雪重
燕趙秦娥○可是華青春畫永睡起海棠麼只將穠
質欺梅壓柳雨罷雲拖

右調服兒媚

福濟觀別唐子畏口占一聯是夜枕上足成

八句書寄子畏

王鼎

僊客樓居無限好解衣盤礴且維舟
炎埃久溷柴桑老涼雨忽驚梧葉秋
我別已成三載隔子來定作一
旬留題詩莫更重違約空使寒江滿
眼流

和唐子畏見贈休字韻

王鼎

人間紙上無窮事忍聽人言一醉休
碧嶺長慚周孔夢青天不盡古今愁
夜深屢化蝶巡枕春遠聊同子
並舟却笑南華病莊叟欲除方內更
何遊

唐寅畫山水歌

祝允明

杜陵一疋好東絹，韋郎上植松兩幹。
唐寅今如曹不興，有客乞染淞江綾。
前山如暎復如怒，疎林如風密如霧。
黯黯渾疑隔千里，蜿蜿忽辨緣谿路。
黑雲沍蒼梧，丹霞標赤城。
壯哉畫工力，九州通尺屏。
兩厓遠立翬兩角，一道空江浸寥廓。
吳綾本自淞水翦，誰把淄澠辯清濁。
卯齋傍江絕低小，羨爾高居長自好。
今年吳地幾魚鼈，看畫轉覺心熱惱。
黃金壺中一斗汁，我欲濡毫映手濕。
莫教童子誤攘翻，忽使癡龍携雨出。

幼美兄以所藏唐伯虎七賢過關卷戴文進
長江圖見示而唐畫特精妙將令爲歌詩系
之翌日唐卷亡去不勝惋恨作此解之

陶望齡

虎頭妙繪具靈變僧繇點龍破壁飛唐生近代亦佳
手神物幻化能似之藍關一圖寒色淺半軸生綃珠
百輦吾兄寶惜廿載餘愁疾時時試披展霍然疾已
愁爲驅若若零埃順風捲紫檀作匣錦作裏好把深
重貯妖嬈生平秘惜宵輕示惟有香鑪見開卷邇來

愛予好詩句，齋頭欣賞屢。觀者各神竦，主人每
矜顧。至寶畏宣揚，由來鬼神妬。浦珠竟奚往，吳釧俄
飛去。主人懔懔清晝眠，叩門七士來儼焉。鬚眉瀟灑
宛舊識，冠服古制非。今賢是耶？王摩詰非歟？孟浩然
鬼驚夢醒，月墮屋雲散，風流雨絕天。故交訣兮遠塞
美人隔兮重淵，睠泉石兮如在懷。清賞兮長捐，君頗
憶昌黎之記不？吾術之詭能使亡在而去，留窮毫端
之慘澹，開絹素之颼颼。景逶迤而似矚，趣崖路而可
求。山經寒而添爽，溪含凍而微流。牛掉逸而蹄瑩，馬

閒適而神適平頭下走皆儒雅何況連翩乘騎者標
格雖同意態殊僊子羣游鶴飛野矯首似望低似吟
興在溪橋風雪下或如吟苦韻未續形貌摧藏意難
寫或如句得神氣盈想見揚鞭快捶馬樹古崖深石
路細故作迴巖增遠勢一字踈足險欲逾一字盤身
進仍避雲開已見山際關樹杪應藏關外寺山到關
頭皺法換稜骨孱顏勢奇悍臺閣高寒雪意濃馬蹄
聲确人心憚前騎回頭後轡遲來者如追去如喚當
時七士雅能詩維也虔乎兩畫師鄭公落筆王公賞

妙蹟淋漓今豈知唐子丹青亦補亡虎賁聊得似中郎君不見宣和萬軸都如燬世事盈虛豈有常

幼美唐寅七賢過關卷偶失去予作詩解之
亡何復歸遂書前詩於卷併有後篇

陶望齡

吾兄寶斯畫令我韻其尾畫亡有餘恨題詩爲昭灑
當時訝詩意頗與畫趣同去畫不可見見我詩篇中
兼亦寶我詩二寶相雌雄一潛一在匣每有精光通
新篇爲召呼果與舊物逢一笑獲其耦畫反詩無功

詩長更踈缺盡短窮纖濃乃知有聲類不及無聲工
移珠已復還往璧猶未碎辛苦宵人握麈理損脂腴
將無煩七翁顏面亦微頓四馬蹄不停兩牛鞅未稅
乍至恰如歸方睽頻願噓挑燈話無恙尊竿聊問慰
雪深關路迷翁其安篋笥

題伯虎畫

二首

周天球

春深白石薜蘿房西子盈盈媚曉粧正是沉香亭畔
色酒酣新宴侍君王

右畫牡丹

楚晚遺芳可自珍清芬一掬淨纖塵折來欲寄同心

子無奈秋風思爽神

右畫蘭

贈唐寅次其韻

吳廷舉

洞庭氣岼自英英不落燕臺第二名
物外空青于世貴人間腐鼠任鳶爭
尊無北海開賓館水有東湖照客纓
把釣拋書驚歲晚非熊何夢到三鄉

次唐子畏落花詩

胡乾

怪爾東風多薄倖曉來一片墜園西
羞將艷質輕隨水寧使香魂自委泥
燕拾殘紅猶飾壘蝶成新怨懶尋蹊
深閨應有惜顏色坐見傷情嘆息啼

夢墨亭記

祝允明

子畏天授奇穎才鋒無并百俊千傑式當其選形拔而勢孤立峻則武狹童幼所志以爲世勲時位茂祿侈富一不足爲我謀少長縱橫古今肆恣千氏一日忽念欲了其先人之遺望且以畢近易事遂乃苞銛坊滔萃神於科第業開戶一歲信步聞塲遂錄薦籍爲南甸十三郡士冠人駭之而子畏自顧折草爾由益信人間事無必煩智慮者當是時且以謂崇爵顯章晨金午玉階升而矢流耳曾傲朕於閩之神所謂

九鯉湖者夢神惠之壘萬箇子畏謂塗楮畫素或但
成細瑣藝玩殆澁儒腐生之業亦何直許云是殆匪
如響者也領薦之明年會試禮署乃用文法註誤卒
落薦籍人又駭之而子畏夷如也去覈求神鈴天軌
至理極事山負海茹鑛琢窈惚於是心益精學益大
而跡益放或布濩餘蓄以爲圖繪日月山河霄漢風
氣煙雲霧雨花鳥樹石仙崖鬼竇竒夫曠人俠子媚
女薪釣戎胡墟市舟騎千形萬模皆務爲凌誇橫突
峻掘譎詭周曲碎雜無不求詣各至妥帖地必將躡

古人之輾蹤惴惴然懼一失足俗駕當其妙解超然
冥會乃復以爲業無小大神適斯貴是誠可以陶寫
浩素我心獲今比自四方而歸結亭閭門桃花塢中
目之曰夢墨章神符也謂獨余爲可記陳前故以來
請於戲子畏自以爲志暢矣神符章矣余忖度之其
果謂之然哉於戲然而不盡者也往者王子安嘗夢
墨而以文章名余亦嘗夢墨未知以何名審子畏之
夢墨其果以畫名哉墨之用獨畫哉子畏之文豈特
余等亦豈特欲勃等第哉子畏不謂符文以爲符畫

子畏格氣乃果獨是哉以爲符文余且謂不盡而又
卑於文者哉子畏以文自居余猶進之有盡墨之用
者猶爲非子畏志之真也又以畫余肯謂之真哉設
余第狗子畏云爾已矣當不畏人咲失倫又不畏神
怒忽畧苟且阿人哉神之祥子畏不惟是也必然矣
然而人之志最易止止子畏之志無亦果本爾乎或
是則不可不可必進以從余如子畏不然又何煩以
余文爲哉

題伯虎梔子花圖

文徵明

月照溶溶色風吹澹澹粧如行天竺國一月不聞香

跋唐子畏倣宋郭河陽手卷 祝允明

唐居士子畏坦夷踈曠湧負狂名舉業之餘益任放誕託情詩酒寄興繪事務去塵俗冥契古人有所臨摹輒亂真跡然所爲率盈尺小景少見其長卷大幅今觀此圖幾長四丈峰巒起伏煙水雲林非胸中有萬壑千巘孰能運妙思于毫端哉用筆全法郭河陽尤其專精擅場者秀潤可愛且志歲在辛巳詎今年乘在人二豈勝悵悵嘉靖乙酉秋八月望後允明

書于新居小樓

與唐寅

祝允明

不肖心事支離勉強出山雖未知所之遂否然深憂
踈蹤涉世牽掣之際并失平生伯虎英朗所談類能
中人肯縈於此行能以一文爲規助否忉怛

戲題子畏墨竹

祝允明

唐郎寫竹如寫字正以風情韻度高我解平章不能
寫未曾分得鳳凰毛

過訪張濟之觀伯虎松陵圖 王寅

先生懶入城中路閒擬張衡四愁賦我來曲巷扣園
扉艸堂綠蔭梧桐樹家徒壁立何有乎大誇一幅松
陵圖孤城橫接長橋卧裊裊青虹飲太湖此圖乃出
唐伯虎妙筆堪爲畫師譜爲贈知音不重錢當時自
覺良工苦吳門畫派喜宗元棄置唐宋不復言惟君
獨異鄉邦派上追二代窮真源吁嗟乎唐伯虎生不
辰爾之畫事何足珍少年腹飽三萬卷倚馬千言如
有神射策金陵冠多士露才傲俗人皆忌北上幽燕
白壁冤才高一旦翻成祟揮金信手泥沙然東歸盡

賣洞庭田窮愁託興丹青裏豈欲聲名四海傳吁嗟
乎唐伯虎後來見畫誰識君流落殘編別有文俠骨
英魂招不起一尊何處吊荒墳

題唐寅畫游春不覺歸來晚 梁一儒

長安三月鶯亂啼千樹萬樹花冥迷五陵少年出如
西金鞍寶馬游金隄飛花飄颻襯馬蹄沿隄躑躅成
香泥欲行不行驕且嘶歸來鳳城月已低銀河耿耿
風淒淒奚奴剝琢驚深閨更道明朝春酒攜終南太
乙窮攀躋

游春不覺歸來晚蓋唐人語也

用贈謝伯一舉人韻贈唐子畏解元

楊一清

丰姿楚楚玉同溫
往日青蠅事莫論
筆底江山新畫本
閑中風月舊琴尊
清時公是年來定
發解文明海內存
長聽金聲愛詞賦
天台未許獨稱孫

人生行樂歌追和唐伯虎韻 顧汝玉

不如意多如意
少年華倏忽催人老
丈夫建監貴及時
慎勿蹉跎成懊惱
纖纖新月應弦好的
嬌花怯霜稿
人生信自有安排
月下花前且潦倒
子雲校書

幾不保茂先博物識不蚤富貴功名詎常在梁園梓
澤俱荒草真詮秘訣何處討三徑優游卽三島白楊
一夕起悲風愁多安得酒來掃

懷伯虎

徐禎卿

聞子初從遠道回南中訪古又徘徊閩州日月虛僊
觀越苑風煙幾廢臺賴有藜筇供放迹每於鸚鵡惜
高才滄江梅柳春將變憶爾飄零白髮哀

附錄弇州題跋

題唐伯虎詩畫卷

唐伯虎桃花庵歌當有圖不知落何人手予後得一
幀意頗與歌似而秀潤婉麗妙入趙吳興三昧因裝
潢成卷按二科志載伯虎首篇作悵悵行又有何處
逢春不惆悵何處逢春不可憐二語今皆削去伯虎
此詩如父老談農桑事事實際中間作宛至情語當
由才未盡耳然過此則胡釘鉸矣余十年弄筆墨不
敢置眼睫間今老矣愛此畫不妨併讀此詩一再過

唐伯虎寫生冊

人以爲徐熙之埜逸勝黃筌之富艷品遂分矣吾吳中寫生無過白石翁而伯虎次之此十六幅種種臻妙蓋得徐氏三昧而稍兼筌筆不分白石翁下山齋時一展翫覺乾坤一種生氣落翰墨間爲之欣然獨賞也徵仲待詔有折枝小鳥二履吉題句附於冊後足稱聯璧矣

見弇州山人稿

唐伯虎畫梅谷卷

梅谷者當是吾吳德靖間名士唐六如伯虎爲作圖

祝京兆希哲題署而王太學履吉選部祿之各賦一
詩殊足三絕偶以示文休承休承謂尚有京兆一序
及待詔一詩不知何緣脫落因補書舊和楊補之柳
稍青詞於後甫成而信陽王胤昌太史書來以元章
補之梅竹爲贈因舉以報之古人折梅寄遠故詩中
用驛使語爲雅事第不知仙骨寒香一辭條後所存
幾何故不若郵筒中尺素之堪遠也自今後南北山
房各留之以備歲寒一友生如玉川子所云忽到牕
前疑是君猶足代面

唐伯虎畫

余嘗有唐伯虎桃花菴歌八首語膚而意雋似怨似
適真令人情醉而書筆亦自流暢可喜攷跋辭當有
圖一幀而失之別購以補卒不甚稱也今季三月花
時見李士牧藏伯虎一圖深紅淺紅與濃綠相間漁
舟茅屋天趣滿眼宛然桃花菴景物意欲奪之卒不
忍而亦不忍割吾所有歌以予士牧姑爲題其後士
牧志之吾兩家異日必爲延津之合也

唐伯虎赤壁圖

吾嘗以七月望登赤壁酒酣耳熱歌坡老所作二賦
飄然欲仙者久之然坡後賦所紀及伯虎此圖俱與
景不甚似當相賞有象外意耳伯虎才氣彷彿此老
而窮達絕不埒卻有一事相關坡於黃岡作中呂滿
庭芳詞結句有百年強半來日苦無多見者縮舌以
爲詩識無幾而入鑾坡領巖部出入貴要者十餘年
而後謫又八年而後逝伯虎祈夢九仙得中呂滿庭
芳五字至季五十三驟見坡石刻詞而惡之趨令徹
去尋病卒夫詞語不識於作者而識於見者何也以

具爲二君子且黃岡故事因漫及之

唐伯虎畫賓鶴圖跋

人張幼于以故唐伯虎先生爲其王父寫賓鶴圖
余跋伯虎丹青妙天下獨此圖一叟烏巾白帽据
坐大樹傍一朱頂鶴竇荆扉而出於賓鶴意小不倫
一叟爲賓鶴顧爲主耶然度叟羽化之日今已踰七
十季有如一且坐幼于先人壠華表而鳴唳者焉知
非叟也耶又焉知鶴之爲叟也賓之爲主也伯虎之
昔非而今是也耶余又焉能辨之圖首有文徵仲古

隸可寶他圖及文辭鸛雀伍耳幼于去之可也

唐伯虎畫牡丹下睡猫題者不甚快意因戲爲

作之

白日當卓午狸奴晴一線胡爲尚頽然曲肱掩其面
得非薄苛醉毋乃千匝倦風吹木芍藥時時墮芳片
墮者作裊裊留者充帷帟高臥時未至雄才晚方見
縱橫群鼠輩未解事機變牙爪攢戟霜飛驕掣弓電
詎止無當鋒誰與敢奔殿剝裂懲狡貪吮咀慰酣戰
能令此輩空不愛通侯券丹青何人手唐子少豪健

賣駿足偶蹶屠龍技方賤韜精恣鼓跌含意在荒晏
鮭鰕苟不乏貓鼠各自便猶勝李鶴州搖尾媚娘殿
見弇州山人續稿

又增王敬美論詩

生平閉目搖手不道長慶集如吾吳唐伯虎則長慶
之下乘也閻秀卿刻其倻倻擁鼻二詩余每見之輒
恨恨悲歌不已詞人云何物是情濃少年輩酷愛情
詩如此情少年那得解

見菰園摘餘

唐伯虎先生外編卷十